

08.03.2026

UPA2026/181

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Namminersorlutik Oqartussat nalunaarutaata iluarsaanneqarnissaa pillugu imeqqutaallat manniinik mannissarniarsinnaaneq pillugu Naalakkersuisut kingusinnerpaamik UPA2027 sumiiffikkaartumik attuumassuteqartunut tusarniaaqqullugit Inatsisartut aalajangiiffigisassaattut siunnersuut. Piffissaq annertussusaalu peqassutsip pigineqaannarnissaa eqqarsaatigalugu Naalakkersuisut aalajangerlugulu aqussavaat.
(Inatsisartunut ilaasortaq Jens NapātôK', Naleraq)

Tunngavilersuutit:

Piffissanngorluinnarpoq mannissarniartarnermut malittarisassat ullutsinnut nalimmassarneqarnissaat. Tamannami kulturitsinnit arlaqartunik aallaaveqarpoq, silaannaallu allanngoriartornerata sunniutai kiisalu nerisassaqaarniarnikkut imminut annertunerusumik pilersorsinnaanissamik aamma kissaateqarnermik aallaaveqarluni.

(Kikkut tamarmik nalunngilaat pinngortitaq imminut illersortuusoq, timmissat manniliuleraangamik salunninngortarput aamma pissusissamisoortumik piniarneqarneri millisarlutik. Tamanna aaqqissuussaaneq pinngortitap nammineq ingerlariaasaaningaanneerpoq).

Nunatsinnut nunarsuarmi akit qaffakkiartornerat aamma equivoq. Arlalippassuarnut ulluinnarni inuunerup ataqatigiissinnissaanut ajornartorsiortitsilerluni. Taamaattumik innuttaasut pitsaannerusumik imminut pilersornissaannut periarfissikkumallugit eqaannerusumik sumiiffikkaartumillu tulluussakkanik malittarisassaqaqtariaqarpugut.

Pisortanut aningaasatigut allaffissornikkullu kingunerisassai:

AC-fuldmægtig-i ukioq ataaseq sulinerata nalinga kr. 500.000

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.